



## **Universitätsbibliothek Paderborn**

**De Officio Hominis Christiani In Persecvctione Constitvti**

**Lens, Jean de**

**Lovanii, 1578**

Cauendum esse Christiano, ne incauta temeritate persequutionem vel  
excitet, vel exacerbet. Cap. XIII.

**urn:nbn:de:hbz:466:1-30333**

& fideliter pœnitet, & fidei calor præualet, qui  
differri non potest, potest coronari. Denique no-  
tandum est quod idem ait Cyprianus in eo sermone  
quem scripsit de mortalitate, nō esse martyrium in  
nostra potestate, sed de Domini dignatione pen-  
dere. Cū enim grassante peste, multosq; cum Gen-  
tilibus Christianos quoque rapiente, non deessent  
qui se quereretur morte præueniri, qui tamen sese  
ad tolerantiam passionis toto corde & plena vir-  
tute deuouissent, hunc quoque impatientioris a-  
nimam motum sedare volens Cyprianus: Primo in  
loco (inquit) non est in tua potestate, sed in Dei di-  
gnatione martyrium: nec potes te dicere perdi-  
disse, quod nescis an merearis accipere. Deinde  
Deus scrutator rerum & cordis, & occultorum con-  
templator & cognitor, videt te, & laudat, & com-  
probat. Et qui perspicit apud te parata fuisse vir-  
tutem, reddet pro virtute mercedem. Nunquid  
Cain cum Deo munus offerret, iam peremerat fra-  
trem? & tamen parricidium mente conceptū Deus  
prouidus ante damnauit. Ut illic cogitatio mala &  
pernicioſa conceptio, Deo prouidente prospecta  
est: ita & in Dei seruis, apud quos confessio cogi-  
tatur, & martyrium mente concipitur, animus ad  
bonū deditus, Deo iudice coronatur. Aliud est  
martyrio animum deesse, aliud animo defuisse  
martyrium. Qualem te inuenit Deus cum vocat,  
talem pariter & iudicat. Et ad istum quidem mo-  
dum Cyprianus.

*Cauendum esse Christiano, ne incanta temeritate  
persequitionem vel exciter, vel exacerbet.*

## CAPUT XIV.

**N**ec prætereundum est, quod D. Ambrosius,  
cum de officijs scriberet vitæ Christianæ,  
his verbis scriptum reliquit: Cauendū reor  
(inquit) ne dum aliqui nimia gloriæ ducuntur cu-  
piditate, insolentius abutātur potestatibus, & ple-

*Lib. I. offi-  
cior. i. c. 42.*

H 2 runque

runque auersos à nobis animos Gétilium in studia persequutionis excitent, atque inflammet ad iracundiam. Itaque ut illi perseverare possint, & supplicia vincere, quantos perire faciunt? Et erunt tandem fueruntq; semper, qui zelo pietatis hoc se facere arbitrarentur, & fortasse etiam ficerent zelo quopiam religioso incitati, sed non circumspecte satis prudenterque suscepto: velut qui dominante adhuc per Imperatores ac Reges Gentilitatis errore, aut deorum inflammabant delubra, aut in ijs idola conterebant. Nam in Perside quidem fuit aliquando hæc grauissimæ persequutionis occasio,

Theodore-  
tus lib 5.  
cap. 39.

Habes simi-  
le quiddā  
de Marco

Arethuſio-  
rum Epif-  
epo: qui

templū co-  
rum pro-

phanum,  
quod euer-

terat sub  
Constantio,

iussus rea-  
dificare aut

impensas  
dare, nec o-

bulum qui

datu-  
rum se con-

stantissimè  
respondit.

lib. 6. Tri-

partite ca.

I 2.

liquando hæc grauissimæ persequutionis occasio, quod Pyrrhaeum, id est, ignis templum, intempeſtuo cuiusdā Abdē calore fuisse incensum. Quod non recte factum, ille postea constantissimæ pie-

tatis firmitate correxit. Templum enim reædificare iussus, noluit, ne diuinos honores creaturæ detuliffe videretur. Sicuti nec synagogam Iudaicam reædificare licuisse, declarat Ambrosius E-

piscopo, etiamsi illam ipse feruentior exuri iussiſet. de quo scriptum sic habet Epistola 29. quæ scrip-

pta est ad Theodosium Imperatorem, vindicari iubentem in Episcopum & Christianos, quod sy-

nagogam Iudæorum incenderant. Relatum est (inquit) à comite Orientis militarium partium, incensam esse synagogam, idq; authore factum E-

bulum qui piscopo: iussisti vindicari in cæteros: synagogam ab ipso ædificari Episcopo. Non astruo expectan-

turbarum moderatores sunt, studiosi pacis, nisi cum & ipsi mouentur iniuria Dei, aut Ecclesiæ contumelia. Sit aliquis iste Episcopus feruentior in exustione synagogæ, timidior in iudicio: non vereris Imperator ne acquiescat sententiæ tuæ? ne præuaricetur non times? non etiam vereris quod futurum est, ne verbis resistat comiti tuo? Necesse erit, igitur ut aut præuaricatorem, aut martyrem faciat: vtrumq; alienum tēporibus tuis, vtrumq;

perse-

persequutionis instar, si aut præuaricari cogatur, aut subire martyrium, & infra: Quid? si alij timidores, dum mortem reformidant, offerant ut de facultatibus suis reparetur synagoga? aut Comes vbi hoc compererit primò constitutum, ipse de Christianorum censu exedificari iubeat? Habebis Imperator comitem præuaricatorem, & huic vexilla committes victricia? huic labarum? Quia Conc. Eli-  
verò zeli istiusmodi imprudentis opera, Christia- bert. can.  
næ modestiæ & patientiæ labem sæpenumero 60.  
grauem inferebant, decretum fuit, ne qui in tem-  
plis idolorum, propterea quod illa demolirentur,  
fuissent à Gentilibus interficti, martyrum hono-  
res acciperet. Nec immerito etiam displicuisse vi-  
dentur Mensurio Ecclesiæ Carthaginensis ante  
Cæcilianum Episcopo, ab ijsq; honorandis Chri-  
stiani prohibitи, qui se non comprehensi offere- In brevium  
bant persecutionibus, & vltro dicebant se habe- lo contra Dō  
re scripturas, quas non traderent, cum hoc ab nativitas col-  
eis nemo quæsisset. Quid enim hoc erat aliud, latione 3.  
quæm persecutionem prouocare? & bilem mo- diei.  
uere Tyranno? Fuerunt igitur, qui ea facerent Vide hoc  
vel imprudentes & temerarij, vel gloriae cupi- ipsum in  
di. Quidam etiam erant facinorosi fisci debito- dicto brevi  
res, qui occasione persecutionis, vel carere vo- culo Aug.  
lebant onerosa multis debitibus vita, vel purgare se ex epistola  
putabant, & quasi abluere facinora sua, vel certè Mensurij.  
acquirere pecuniam, & in custodia delitijs perfrui  
de obsequio Christianorum. Scribit Eusebius lib. 8. eccl.  
quendam Nicomedie virum nobilem & illustrem fast his.  
sæculi dignitate, simul ut vidisset aduersus Dei cap. 5.  
cultores in foro crudelia edicta pendere, calo-  
re nimio fidei ignitum, publicè populo inspe-  
stante, injecta manu, librum iniquæ legis detra-  
xiisse ac minutatim discerpisse, Augusto, id est,  
Diocletiano, & Cæsare Maximiano in eadem  
vrbe constitutis. Ex quo facto quid consequi-  
tum sit, non difficile fuerit diuinare. Ira namque

H 3 . princi-

principum, & rabies Gétilitatis irritata in supplia necésque piorum passim ruit. Quanquam ille confractor iniquissimorum edictorum, cum admiratione omnium fortem se & alacrem in cruciatibus perferendis, veréque martyrem Christi præstiterit. At Diuus Cyprianus istiusmodi persequutionum occasionses & incitamenta sic vitavit, docuitque vitanda, ut nec tum cùm virginibus negotijs vocaretur, eo concesserit, vbi grauiores motus eius conspectus atque praesentia concitasset. Quod ipse declarat Epistola 8. lib. 1. Accessit hinc (ait) tabescenti animo nostro dolor maior, quod in tanta sollicitudine ac necessitate excurrere ad vos ipse non possum, dum per minas & insidias perfidorum cauemus, ne aduenientibus nobis tumultus illic maior oriantur: & cum paci & tranquillitati Episcopus prouidere in omnibus debeat, ipse materiam seditioni dedisse, & persequutionem denuo exacerbasse videatur. Et rursum Epistola decima lib. 3. Quanquam (inquit) causa compelleret, vt ipse ad vos properare & venire deberem, primo cupiditate & desiderio vestri, quæres in votis meis summa est: tum deinde vt ea quæ circa Ecclesiæ gubernaculum utilitas communis exposcit, etare simul & plurimorum consilio examinata delineare possimus: tamen potius visum est adhuc interim latebram & quietem tenere, respectu utilitatum aliarum, quæ ad pacem omnium nostrum pertinent & salutem: quarum vobis à Tertullo fratre nostro charissimo ratio reddetur, qui pro cætera sua cura, quam impensè diuinis operibus impartit, etiam huius consilij author fuit, vt castus & moderatus existerem, nec eis locis in quibus toties flagitatus & quæsusitus fuisset, me temere committerem. Epistola quoque libri tertij quinta: Sicut Domini mandata instruunt (inquit) statim turbationis impetu primo, cùm me

clas

clamore violento frequenter populus flagitasset,  
non tam meam salutem, quam quietem fratrum  
publicam cogitans, interim secessi, ne per inue-  
recundam præsentiam nostram, sedatio quæ cæ-  
perat, plus prouocaretur. Absens tamen corpore,  
nec spiritu, nec actu, nec monitis meis defui,  
quo minus secundum Domini præcepta fratri-  
bus nostris, in quibus possem, mea mediocritate  
consulerem. In hac autem prudentissima sui mo-  
deratione, beatum Gentium Apostolum imita-  
tus est Cyprianus. Ille enim excitata per Deme-  
trium de via Domini turbatione, confusioneq; E-  
phesinæ ciuitatis, & discipulis suadentibus, & ami-  
cis roganibus, acquieuit ne sedaret in theatrum: *Afforum cap. 19.*  
propterea quod eius præsentia non modo non se-  
dasset populi furore in ipsius prædicatione com-  
motum, sed magis etiam vehementiusque prouo-  
casset. Sic, ne vetera prætereamus, subtraxit Ia-  
cob, consilio prudentissimæ matris, sui conspe-  
ctum Esau fratri, ut explendi huius in illum odij  
nulla remaneret occasio. Saulem quoque Da-  
uid quoties fugit? quoties ne sua ille præsen-  
tia exacerbaretur, evitauit? Christus certè ipse  
suorum in se inimicorum studium prouocare no-  
luit, ideoque cum se ad necem quæri sciret,  
pessimisque Pharisæorum voluntates cognosce-  
ret, alio se contulit, tametsi nec præsenti quis-  
quam officere potuisset, nisi voluisse. Ideoque  
& Athanasius in eiusmodi periculis prudentia  
Christiana circumspectus, per quattuor men-  
sium spatum in sepulchro paterno delituit, ne  
quemadmodum historia Tripartita significat, pa- *Lib. 7. c. 27.*  
trandorum malorum causa esse videretur.

#### H 4 Nephas